



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-784/09  
Sarajevo, 7.4.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 8.4.2009.			
Organizaciona jedinica	Klasifikaciona oznaka	Redni broj	Broj priloga
01-50-1-1542/09			

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*


**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 82. sjednici održanoj 2.4.2009. godine, utvrdilo je Odgovor na zastupničko pitanje koje je Sadik Ahmetović, zastupnik u Zastupničkom domu Parlamentarne skupštine Bosne i Hercegovine, postavio na 47. sjednici ovog doma održanoj 4.3.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 01,05-50-784/09  
Sarajevo, 2.4.2009. godine

*Sadik Ahmetović, zastupnik Zastupničkog doma Parlamentarne skupštine Bosne i Hercegovine, na 47.sjednici Zastupničkog doma, održanoj 04.03. 2009.godine, postavio je slijedeće zastupničko pitanje:*

*„Šta je Vijeće ministara poduzelo u zaštiti građana Bosne i Hercegovine koji su predmet istražnih radnji od strane Tužiteljstva Republike Srbije (slučaj Ganić i dr.)?“*

*Na postavljeno zastupničko pitanje, Vijeće ministara Bosne i Hercegovine, u smislu članka 37. Zakona o Vijeću ministara Bosne i Hercegovine („Službeni glasnik Bosne i Hercegovine“, broj 38/02), na 82. sjednici, održanoj 2.4.2009. godine, utvrdilo je slijedeći*

**ODGOVOR**

*Prema zakonima o kaznenom postupku kako Bosne i Hercegovine tako i Republike Srbije, svaka osoba ima pravo podnijeti krivičnu prijavu protiv druge ili drugih osoba, ali prijava sama po sebi, ne podrazumijeva vođenje kaznenog postupka protiv neke osobe. Tužitelj kao nadležna i ovlašteno osoba dužan je svaku prijavu razmotriti i odlučiti ima li osnova za pokretanje kaznenog postupka.*

*Ni jedna od institucija Bosne i Hercegovine nema pravo zadirati u pravni sustav druge države. Ukoliko i dođe do otvaranja kaznenog postupka protiv državljanina Bosne i Hercegovine a u vezi sa događajem u Bosni i Hercegovini, postupa se sukladno međunarodnim ugovorima, a posebno sukladno Europskoj konvenciji o transferu postupaka u kaznenim stvarima.*

*Što se tiče konkretnog predmeta, a imajući u vidu da mjerodavni organi u Bosni i Hercegovini još nisu dobili nikakvu zvaničnu informaciju vezanu za postupak koji Tužiteljstvo Republike Srbije vodi protiv građana Bosne i Hercegovine (predmet „Dobrovoljačka ulica“), ministar pravde Bosne i Hercegovine je uputio pismo ministrici pravde Republike Srbije, te zamolio dostavljanje svih relevantnih informacija u vezi sa eventualnim vođenjem istrage u Republici Srbiji u povodu slučaja koji je poznat kao „Dobrovoljačka ulica“.*

*Istovremeno ministar pravde Bosne i Hercegovine je zatražio od ministrice pravde Republike Srbije da se, ukoliko se u Republici Srbiji vodi kazneni postupak u povodu ovih događaja, nadležnim organima u Bosni i Hercegovini ustupi taj postupak sa svim spisima, predmeta i dokazima. Pored toga, ministar pravde Bosne i Hercegovine je od ministrice pravde Srbije zatražio da tužiteljstva dvaju država stupe u neposredan kontakt u povodu razrješenja ne samo ovog nego i sličnih slučajeva.*

*U povodu odnosnog slučaja a imajući u vidu veliku medijsku pažnju koju je izazvala informacija sa objavljivanjem imena državljana Bosne i Hercegovine protiv kojih se u Republici Srbiji vodi kazneni postupak u tkz. slučaju „Dobrovoljačka ulica“, Ministarstvo pravde Bosne i Hercegovine je odmah od Tužiteljstva Bosne i Hercegovine zatražilo dostavljanje informacije da li se pred Tužiteljstvom Bosne i Hercegovine vodi ikakav postupak u povodu događaja iz mjeseca svibnja 1992.godine, te da li bi Tužiteljstvo Bosne i Hercegovine bilo voljno preuzeti kazneni postupak od nadležnih organa Republike Srbije, naravno ukoliko se pravosudni organi u Republici Srbiji s istim slože.*

*Tužiteljstvo Bosne i Hercegovine obavijestilo je Ministarstvo pravde Bosne i Hercegovine da istražuje događaje koji su se desili u Sarajevu u „Dobrovoljačkoj ulici“, svibnja 1992.godine, te da je isto voljno preuzeti eventualni postupak ili pak dokazni materijal od strane nadležnih organa Republike Srbije imajući u vidu mjerodavnost Tužiteljstva Bosne i Hercegovine obzirom da su se navedeni događaji desili na teritoriju Bosne i Hercegovine.*

*Eventualne daljnje sporove između dvaju država, a u slučaju nepostupanja Tužilaštva Republike Srbije da ustupi odnosni predmet Bosni i Hercegovini, Ministarstvo pravde Bosne i Hercegovine bi iznijelo pred Europski komitet za kaznena pitanja i od istog zatražilo razjašnjenje istih.*